

# خاتم سلیمان

شعر

نورمان حسان

# **خاتم سلیمان ...**

**شعر**

**نورہان حسان**



خاتم سليمان ...



خاتم سليمان ....  
نورهان حسان  
تصميم الغلاف للفنانة / منى شومان

دار

البديع العربي

للطباعة والنشر

ت / 01061635162

رقم الإيداع: 2022-20987

الترقيم الدولي: 978-977-94-3452-0

إن الأراء الواردة في هذا المصنف لا تعبر بالضرورة عن  
آراء وتوجهات الناشر وإنما تعبر عن رأي المؤلف فقط

يمنع نشر أو نسخ أو ترجمة هذا المصنف أو جزء منه بأي  
وسيلة تصويرية أو إلكترونية أو ميكانيك بما فيها  
التسجيل الفوتوغرافي و التسجيل على أشرطة أو أقراص  
مضغوطة أو أي وسيلة نشر أخرى بما فيها المعلومات  
واسترجاعها بدون إذن كتابي من المؤلف طبقاً لقانون  
حماية الملكية الفكرية رقم 82 لسنة 2002 والقوانين  
المماثلة لها

## الإهداء

إلى ...

روح أبي، وأمي، وأدعو الله أن يجعلهما من  
الضاحكين المستبشرين الغارسين من ثمار الجنة  
والشاربين من حوض نبيك والمحظوظين بشفا عنته  
يا أرحم الراحمين

نورهان حسان

## كيوبيد ...

عارفاك مقاوح ف العناد  
خايف ودائس ع الزناد  
شبطانة فيك رصة لالآت  
ورقات في حلمي اللي انسرق  
شهقة وشرق  
غاوي يعيش التجربة  
والروح ماهيش حمل الهروب  
راسمك شموع تظفي الغروب  
خطك بدمه سيل حدود  
فاردك علم سنة وفروض  
بس الأهم ..  
إنك تخوض

درويش في عكس الاتجاه  
ده الشوق نِداه  
الاعيب حِواه  
صبت لي نارها ف الكؤوس  
كيوبيد بينحت في العيون  
مجنون ب ليلي قصته  
وف قلبه شائلة راهب ف دير  
أنفاس تسابق ريش طاووس  
بترد نارها الطاق طاقين  
تشعل فتيل حرب البسوس  
وجيش دفاعها العاشقين  
و تلين دموع قلب الحجر  
مالصبر علي عتبه انفطر

شقق بلوم ..

اخضر ويابس في الطريق

وفي سكتي ..

لف المحابس بالحنين

وفق حلاله بين رؤس

بإشارة ليه فك الفانوس

وداس بكف اتلف على الكرامات

فات مزاج قلبي اللي عاف

ف سنين عجاف

شطين فرات

وللممات هيكون ملاك  
وف قلبي طاف فرط الشموس  
طب ليه بكمل عيشي حاف !!??  
وانا لامحة ف عيونه الغموس .

## خاتم سليمان ...

كأن الدنيا زغروطة ومخلوطة

ندى مواويل

لا كان ولا بان لها حيلة

بتغزق نن عين الشيل

بتعويدة و دعا وتواشيع

ومربوطة بطير أبابيل .

ساعة مالقالك

حنين سلاب

وعشش ف القلوب لبلاب

بيطرح م الغرام شروة

يخيّب للفراق أسباب

ويقطع له متين فروة

يا أجمل ما اتخلق من طين  
حجر سجين..

يطوف ف القلب واتربع  
عاشق عشاق تراب الحور  
بيسعى بين صفا ومروة  
حجيج مسحور قمر صايم  
وشق الريق لبن عصفور  
يزلزل عرشنا اشواق  
وبيردد ورانا آمين  
ونكفي ع الخبر ده ماجور  
ولو هتدور سواقي النوح  
متين مرة..

هتسكن جوه قلب الروح

كانك قوس قزح مخروط  
ف عز السكته ويا البوح  
ولو مسموح..  
هعيد الكرة لو فرة  
من العقد اللي كان مفروط  
من التلطيش  
كأنه افيش  
على توبي علم مصبوب  
وكام مكتوب مايبصبنيش  
عيون ساكتة بتسألني  
وانا اكمني...  
بلاقي العمر بيعدي  
أنا ليلي

أنا شائلة غرام ف القلب ..  
لكنه ليه ما بيشوفنيش؟  
و مرهونة على تكة  
سنين العمر ليه فكة؟  
وأيامه بتتبعتر مع الحرافيش  
و عثمان لو يلاقي القلب خياله  
وراس ماله خاتم سليمان  
يداوي الحب احلامه  
من الصبر اللي داب تعطيش

## طراتيف العشق

وبخلف خلاف  
قلبه الخواف ...  
بيحود عن سير قضباني  
وتقيد الحيرة في قلبي هتاف  
ب شروع ف محبة ييات حاني  
والخطوة تولي عنيه مجداف  
بتصحي اللهفه بالف صباح  
وحنين في قيام حي على فلاح  
بيدوب قلبي ويتوصى  
وبصبر جمال  
وكأنه مُحال

يفتل طرائيف العشق حبال  
بتحضّر توهة بروح دجال  
وانا روعي مخاوية ماهيش خالصة  
معقولة القصة الي ف بالي..  
القاها بتزيد كام راصة ؟ !!  
و الذكرى غويطة بتغواني  
لا اتحقق منها ولا اتقصي  
وبتحدف روعي في قلب النار  
بتبل الريق في ميدان ثوار  
بسلام ف رماد كان رباني  
يمكن مش حاسة بان العشق..  
يصبح لازمة  
وملازمة حروفه على لساني

و بكل وضوح  
ولا كانشي ف باله و يحلاله  
من فين ما يروح  
با اتوه عن أصلي و عنواني  
مع أنه بيان دائماً مشروح  
وبشوق منبوح  
بعيون نداهة من البصة  
توهب لي الروح  
بأدلة و ثابتة على جناني  
دا ملاك وبرئ طب زماني  
باسم الله كمان  
والنبي حارسة.

## جدر التوت ..

سلام الله على قلبي  
اللي شاف الضي  
وانا في قلبي تقيم له صلاه  
ترد بعشقه انفاسي  
واحساسى اللى خطى مداه  
وبيجند عيون تطرح  
جيوش مطرح  
ما ترسى سماه  
تصب ف نجمه نور كاسى  
يوشوش كفه اصدافى  
وشقشق م الجراح أفراح

وشق بروحه تكتافي  
دا سبحانه م الحنان سواه  
ف حزن هواه..  
الاقى الروح تروح تلقاه  
لحافي في عز ريح الطل  
وخيمة غربتي تحتل..  
براح الكون  
و نبراسي منين ما يكون  
ولو زاد البعاد قواه  
وزواد العناد خباه  
يدق بعزمه أجراسي  
وتخطف خطوتي شوقي  
تدوس على شوكة بشقوقي

مانا طوقى دفا قلبه  
ومرسى لىموجى يسحب له  
ويهجى لى غراب البين  
جنين قمحى  
ويرسم سهم بين قلبين  
وتظهر صورته ف ملامحى  
ويغزل فرحتى نوله  
يرش السحر مفعوله  
بحرز حنين  
ف بطن الحوت  
ويحلف مسه بجنونى  
ولو جونى برمل شطوط  
يكذب بحر ه غطاسى

مدد يا حسين وسيدنا ياقوت

منين ما يفوت

إكفوه شر وسواسي

بأقولها زي ما قالوا

بعلو الصوت

بحبك من فروع ساسي

و الراسي ف جذر التوت

يمد خطوط

تعنق بالغرام كاسي

بحبك عزوتي وناسي

بحبك مووووت ..

## حروف الذات ...

بحبك سبحة لفروضي

وليال عشر

دا طهر وبات ف سري رقات

وبتهجاك آيات تتلى ف كل كتاب

كأنك فص عشق وداب

ف قلبي و ساب ..

كحضرة وذكر له كرامات

وليك بالذات ..

يفور الحبر ويترجم

حروف الذات

ويسجد شكر

بيتحرجم ب ١٠٠ إثبات

يا كسوة لكعبة قلبي البكر

وخيمة مسك مفرودة

ب نور عرفات .

## اقسم بالله ...

سبحان من صبر قلبي عليه  
يمكر معاليه يخسف بدري  
من بدري انا تايهه ما بين اراضيه  
يجرح واراضيه  
يبدر ف الشوك يقطف وردي  
ومسايسة الدنيا بعز وجاه  
اقسم بالله ..  
الدقة المكبوتة ف قلبي  
ملتوتة ليالي وبتخبني  
في منابي و حيرتي وتار شردي  
من مُر دواه

واهو هان ولا لان  
ولا آن له اوان  
يطرح دستور قلبه بسردي  
بعدين وياه ليه بيخاطر !!!?  
بسنيين م الحرقه الولادة  
دا لا مر ببال ولا طال خاطر  
ف حنين م الفرقه القيادة  
وانا كالعادة..  
مادقتش غير كسرة خاطر  
والقهوه الفايرة تدوم سادة  
ب ينطط جن جنون قردي  
وباحلف بالله وبلاها غرور  
حبرك ف سطور يلهم مسحور

هيصوم لي ليالي ما يدوق لي سحور

معشوق والعاشق نور سيرتي

يكويه الكبر

والصمت يسير في النص قرار

شيلاه أعدار

درويشة لتوب الهوى عاصية

بتخرج م الكدر

سبحان من صور يا بني هواك !!

بتقول اهاوك وتغني ليلاي

في سيرة الحب

وتصب كاسات الهوى موال

ب ربابة تجيب رييس متقال

ماهو درب محال

دا الخال هيصلي صلاة غائب  
على قلب اتقلع منه الجدر  
واتحس بأنه حجر صوان  
وفي بينا رهان علي اللي يحن  
ويزن وراه سلسال دامع  
يترجى الغدر  
و ان كان علي قلبي يا سيدي.. احن  
هيكن الوفا لو كان لامع  
ويسن سنان أعتاب الهجر  
ولا مين كان شاف  
ولا مين سامع  
وتفوت بسلام في أمان الله  
ميت قلة وراه  
بركة يا جامع  
وأكفر ذنب عصاك بالندر .

## توأم روبي ...

رقبتك من عيون الناس  
ياقلب الماس يا متمكن ..  
بسحر الجان  
بعشق اتربي على الفطرة  
وخذ قلبي بكيف إدمان  
ف لان العشق وأتحكم  
وساكن بالعيون أوطان  
بفارس توبه من لوني  
ونسخة ف أصل كربوني  
ولو جوني بحكيم لقمان  
هتسجد لهفتي طوعي

تلبى الحمد في خشوعي  
وتنقش حنتي كفه  
واشفه نور ملا شموعي  
يا ناس ماهو أصل موضوعي  
دا حبكة بتحكي مرجوعي،  
و زاد جوعي طابب كفة  
بدفة تولي ف قلوعي  
يا سكة ماداقها يوم حسابان  
ولاكاسي  
بالاقي حروفه حراسي  
وتاج راسي خطاويها بتتكفى  
وتستسلم  
لعشق وهب ع الزفة

ف قلبي اتصان  
وهاج ف دنيا مشتاقاة وسراقاة  
بيتجسم على الأحلام  
يا توأم روعي يادايب  
ف روح نورهان .

## المشطة ...

ايش تعمل المشطة  
في قلبك البايش  
يابو الكلام عايش  
يكتب ويبسطر  
علي جرحي يتستر  
أذن في ودن الوجع  
يسكن ويتمرر !!!  
ورضيت أبات مغلوب  
والضحكة شرقانة  
بفعل ااه ف القلوب  
تايهة وسرقانة

ورا حلمك الطايش  
ايش تعمل المشطة  
في قلبك البايش  
امنت بتراب الهوى  
اللي اندفن تحتي  
خجلانة ليه ما انكوى!!!  
مهو برضه من فحتي  
صاير ضباب مرعوش..  
يفرد دموع طهري  
ومن مغربي لظهري.  
ورد اللقا مفروش  
ع خدي متعايش  
ايش تعمل الماشطة  
في قلبك البايش

مكتش في خاطر  
ولا حتى ف الحسابان  
واتعشمت حلقان  
يصب ناره ف العروق  
ويأيده الحلفان  
أتاربنا بنخاطر  
نجمع ونطرح ف الفروق  
ونوقع الشاطر  
واقسم حجر صوان ..  
واقادي ف الرايش  
ايش تعمل الماشطة  
في قلبك البايش

دقدقت ريح الدوا  
واتعفرت مشاوير  
ماللي عشقته انزوى  
ع الغش فارد سطوته دساتير  
ومين يامن للدفا  
لشمس دابت م الحفا..  
متلحفة وكأنها طوية  
أو واخدة ليل امشير  
والنية بانث ع الملاء..  
قلب من قش وغرق  
وبضوي كان عايش  
ايش تعمل الماشطة  
في قلبك البايش .

## سَاهِي وَ دَحْلَاب

و غلاوة شوقي اللي ما ولي  
معاليه سلطان  
ولا حنة اتنقشت ف كفوفه  
ولامدد الشوف عد حروفه  
غنوة بالوان  
قال اية،، حمقان !!!!  
جه بعد غياب بيدس حجاب  
لملم خوفه  
وسن سيوفه  
ما هو أصله يا ناس ..  
ساهي ودحلاب

و ف غيط صبار ..  
سهاني وطب  
طب سمي وصلي وُدق ببيان  
ده انا حيرتي تبان ..  
أفواه بركان ..  
بتوقف أرضي عن الدوران  
وتخطي حيطان القلب تشب  
وتشفك لوحة من المواويل  
فرضالي هواك ..  
رُكن وسنة وسلام إنجيل  
وبدون تفاصيل  
ولا تقرأ الكف ولا الفنجان  
ولا تيجي تجس بمس الجان

ده معادش بديل  
ده بنظرة عين برضاي أرسى  
كما فدو خليل  
وبوجه كريم ولا ليك حلفان  
لتسبح بغرامى ملة  
مع كل آذان  
وافرشلك من قلبى مصلى  
على غصن لبان  
ده عشقك ريان  
بطهارة نور خزنة رضوان  
و بروحى يدب  
ما كان ما يحب  
ويوارب قمره لهور العين  
وبعهد سنين ف عنيك آمنين  
وف حضرة محرابى  
اتصب.

## ملهوفة...

بقلبي سر متداري  
حروفه رافضة للتسريب  
وغير ربي  
ما هو داري  
بنادي القسمة ترضالي  
وملهوفة تكون لي حبيب  
ولو تحلم..  
تعيشني ف حلم تفسيره  
بيعشق ف اليراح سيره  
يزهزة ف القلوب ما تشيب

## عرافة ...

بحبك زوبعة ف فنجان  
تكيد عرافة تقرأ الكف وبسطري  
وابان لك غيب وعشقي رماد  
صبح دخان  
فولّي بوجهك شطري  
ده انا شطحي جدائل شوق  
على عتبة حنين نعسان  
وحدد نسل أوهامي  
و هداني لهوى كربان  
ورخت له حبال ..  
صمتي ملوك الجان

اتاري التوهة رصداني  
ما تنطق بم  
وصبالي الندى الصباح  
في دعوة أم  
طرحالي العسل ملكات  
رسايل بين كفوفها الصم  
و للاحلام فرد جوده فرس رهوان  
وآن له أوان  
كأنه ما اتولد قبله  
وحسّه ما بان  
مكّمّر ف الخفا تاره  
سداحه مداح  
وكات برد وسلام ناره  
وعشقه مباح

وفاح السحر من قلبي ..

اللي كان

محفور غرام طواف

واتهجي ف عنيك السود

دفا قلبي في ليل طوبة

دي مغلوبة سنين الفرقة

مغلوبة بتتكفى

ف يوم ما وعتلي ف اللفة

و بات دمع الفرحة فيا مداين نور

وكان ف الأصل من شرطي

بنختم عشقنا أجزاء

ونطلق ف سمانا بخور

نوزع من لقانا عطور

برحمة ونور  
على الهجر اللي بات مغفور  
و ساقية تدور  
منامي شوفته اداامي بيتفسر  
وداق نَبقي  
وانا بخاطري فتحت القلب  
ع الونجين  
سقيت رمقي  
حلفت يمين..  
تبات قايدة الصواب دين  
هلال فطري  
فولي بوجهتك شطري .

## دقة زار ...

أنا والشوق بنتسابق  
وبسأل قلبي ليه مخاوي  
اتاري بلهفته ناوي ..  
يعشش جوه روعي عمار  
ف داب العشق واتنهد  
وشهدّ ع الحنين أسرار  
وبات صوفي ع ترابك  
إيمان العشق غلابك  
ف سابك وسط دقة زار  
وفايت غيتي مواربة  
وشاربة من كاسات هاربة

بتوهة ويا طلقة نار  
وطبت بير مالهشي قرار  
وفار صهد الغرام وانكب  
على جبيني شعاره انصب  
وطار برسايك الشابعة  
بقلبي للسمما السابعة  
وسامعة الحمد تنورة  
بيسقيك شهد اسطورة  
وشورة بين سنين طابعة  
ف ليل ضي وشمسي نهار  
وصلى من قيام الليل  
و وصى لحد سابع جار .

## أفاعي الغدر ...

بقولك إيه  
مفيش داعي  
تضرب اخماسي ف ارباعي  
أفاعي الغدر اندست  
بسم وصب أوجاعي  
بطعن المر صيادة  
وقيادة سنين العشرة سداة  
لتار الصبر بالكيلة  
بصمت وخاتمة بالعشرة ..  
ف شق الحسرة م الشيلة  
وبالتيلة ، يفوت العمر بيشابي  
واكتافي مسكرة بابي ..

من همي اللي ساقيني  
ولكعابي مانا الصابرة  
لا حمل عناد ولا مكابرة  
على القلب اللي بات شاكي  
يكاكي بدعوة في وداني  
ترن تهاتي ف أداني  
وتشفعك  
على حضني اللي كان غاني  
وعمر ما زاده كان شابعك  
وجاي بالوهم يدمعك  
يبدل مجني بالجاني  
والااه ياني من الخذلان  
دا إنساب له ببيان ميت سبت  
و يمكن القى حده بيان  
ونار سكتني سرقاني.

## افاعي الغدر ٢

قلبي اللي كان غفلان  
الصبر منه جف  
دلوقت أن له اوان  
ما الحب ياما اتشف  
من نقرة الغربان  
وهان عليه الشاري  
بس انت شد الحيل  
وصدع الجاري  
متقولشي احباري  
جفت وصارت مي  
مع سبق إصراري  
سويت ف قلبي ني

ما اللي استحل الجفا..

يحرّم عليه الصفا

وسين الوفا يدبّح

مش عيب أسير بالحي..

أجمع خيوط الضي

والمح عنيك تنبّح

ويصبح دوام الحال..

من ظنّ درب محال

وقالوها ف الأمثال

حلال على الغايبة

تسعى ف يوم وتطوف

وتمسح تراب الشوف

وحيلك الخايبة

تدارى وسط الشوك  
وحبل الهوى المفكوك  
ف حيطانك الدايبية  
وارسم ملاك الخير  
وتركب الجناحين  
واعجن ولت عجين  
ف ذنوبك التايبة  
دة ماكان رماك الطير  
ولا داب من التفكير  
والرب كان تدبير  
وصبحت انا السايبة.

## قبلة العشاق

الشبه منه أربعين  
الا عشقه جوه دمي..  
حلم طبطب بجناحين  
زي زيتونٍ وتين  
واللي مروى بالآيات  
عاشقة حزن المحسنين  
تروي اوانها ف طور سنين  
والرضا مفروش تملى ع الجبين  
حالفة بالعشق اللي طارح ..  
ميت يمين  
ما اتخلق ف قلب انسي  
او ملايكه وجان ترسي

نور معشش ضل امسي  
وانفرط على شوق سنين  
والوليمة تسد عين  
شمس تملأ الكفتين  
فوق خدودي وردة قطفة  
من مناحل شهد خطفة  
من أسد حظه الثمين  
والقلوب ترسم رتوش  
رزق يجري وراه وحوش  
مايشفوش  
الا عطر ف توبي ماسك  
يوصله لآخر المطاف  
زي ناسك في المناسك

يمحي عمر ملاه ذنوب  
تتولد دعوه شفاعه  
من دموع بلت كعوب  
يصحى على صوت الهروب  
يلقى عشقي كون ف طاعة  
وبراعة..

بل ريقى بكف زمزم  
واترويت بعد الصيام  
زي قشة ف بال غريقة  
تتحدف و ف نار صديقه  
قولت ع الدنيا السلام  
وبعد ما انتقشت حروفك  
فوق ملامح عاشقه شوفك

اتقصف سن الكلام  
باختصار ،  
مسك الختام  
جاية ماسكة بايدي روجي  
شايلة دية عشق توجي  
للسكك أحلام بضيك  
اللي بتداوي جروجي  
طول زمانها  
ما انت أول قبلة عاشقة  
قلبي يتوضى لأدانها .

## شوك الأعراب

ليه راجع تاني بتستعجب!!؟!

مين فينا اتساب

بدموع لهياني بتتكرب

ودواها عتاب

ولا داري بقلبي اللي منبت

وبطعم القسوه اللي متبت

شوك الأعراب

دا معادش لسيرتك في بقية

ولا عندي ليالي مضحية

كتبتكوا الذكرى المنسية

على طرف سحاب

واهي كسبت ف عيوني ثواب  
فالاکرم ترجع لو جاية  
ب عيونك تترجى الدية  
ما هو قلبي صلى في محرابه  
واهو كفر عن ذنبه وتاب  
من امتى النية كانت صافية  
و مستني اوارب حنية؟!!!!  
واتعلق بجدار الخية  
دا الحب اللي اتلون حية  
اتفصص ف القلب وشاب  
ملعون الغدر في كل كتاب .

## لسه يادوب ...

و لسه يادوب ..  
سقياها من تاني الذنوب ..  
بعشق بيحارب  
يا ابو العيون ..  
ساكنين القلب ع الغارب  
طب كنا ليه ساكين  
العتبة والشباك !!؟  
شفتك ملاك المغرمين ؛  
ومعوذة من آية ياسين ..  
بالعدرا مروية  
بتخطي رجليا ..

فاردة خيام العشق  
ناعسة في توب أيوب  
حالفة في يوم ماتوب  
جبر لحلاوة روح  
والقلب بات منبوح  
يتهجي نور الفجر  
فصحى وعامية  
ده الهجر عدى حدود  
قائدة كما الجمرة  
عديت نجوم الليل  
وبساوم القمرة  
تلضم غنايا سبح  
ونعزي ف الأحزان

دبلان يا جفن الليل ..؟؟!!  
ما تهوّن المشوار  
اترجى ف المكتوب  
بختي أنا واضح  
والبخت بات مغلوب  
ف حزن آهة شوق  
مساها يا بهية  
تتباهى بالسجان  
وتبني المحنة سور  
ما هو اللي داق العشق ..  
يشهد له لو بالزور  
و بين سيوف مسرور  
يهتف بعلو الصوت  
قضبانه حرية  
قضبانه حرية.

## ابن موت ...

بلغوا ان قلبي رافض  
والدوا هو السكوت  
صبري خني خلاص فارقني  
بس قادرة ع الصمود  
عشت ياما سنين طويلة  
وكنت ما باليد حيلة  
لأجل ما الاوهام تفوت  
ليلي لون قلبي داكن  
غصب عني  
وانتهى الوقت اللي ساكن  
جوه مني بالتمنى  
ليه ماصنشني العيش وملحي

ليه بيتمنى لي جرحي  
جاي يلاهي  
عاملي ساهي  
عن مرار دوقته بتباهي  
كنت دائماً..  
باسند الحيط م السقوط  
بس دلوقتي خلاص..  
بعنذر عن ميت محاولة  
كان قرار بعد المدوالة  
شفت روعي ليه أولى  
و راضية من غير الضغوط  
واكتشفت إن الحقيقة  
فرجه دائماً بعد ضيقة  
وحبه اصلا من البداية ..  
كنت شيفاه..  
ابن موت.

## شيخ الطريقة

بحبك ..  
وقلبك ده شيخ الطريقة  
تقيد الحريقة ..  
في نبتي اشتياق  
وتندر لي حجة  
تزيد قلبي ضجة  
وتثبت بحجّه  
فتوى اللي داق  
وساق عشق عنق  
بسيف الهلالي  
وازاي لما حدّق  
دا بحرك سقاني  
ودقق ونطق  
باسمك جناني  
ودابت عيوني  
الحيارى اكتفاء.

## دق طبول ...

يا ليل الحزن يا بايت  
ليه قايد ف القلوب بشموع؟  
وفايت حلم بان مشروع  
كانك طيف امين مأجور  
و فالت من زمام حيرة  
وانا لا قوة ولا حولا  
ومالي في الملام حيلة  
بداوي ف كسرة وجبيرة  
وسيرة تمر كالدستور  
تخلي الذكرى جوايا  
كما التنور ..  
تقور وتثور

سنين م العمر مكتوبة  
تلف رحايا أيامها  
في نار نبتت و أرضها بور  
كأنها طوع  
ومفرودة الدموع ف القلب  
زي قلع  
تقلق صبر من جواها  
كواه الضيق  
وتستكثر تبل الريق  
تقول معذور  
و فاته الدور  
واتفنن يلف طريق  
مسابق ضل شوك يكويه

في طريق ممنوع  
اتاريه لسه كان مجبور  
جفاه النور  
يدق طبول  
ويمشي للخطى يسمع  
اتاري السكة من الاول  
اخرها رجوع.

## طير مشاكس

جاي ف آخرة صبر حاير  
وقلبي مفطوم اشتياقه  
والسؤال معجون بلين  
آه يا أهل العشق فينكم  
دا الجواب جواه سجين  
لسة بستحلف عناده  
حتى لو من غير يمين  
البشاير فرض عين  
مس روح حجري اللي داير  
و اللي انا فيناه سنين  
صابه خمر الشوق وداقه

و سابه داب في العشق فاير  
لف أسحاره ف دواير  
وشوش الودع اللي هاجر  
ماشى ويبين في زين  
كانه حاوي ، لأ مخاوي  
ولسة ياما في الجراب  
يعني كان إيه اللي جابه  
قبل ما يأمن إياه !!؟  
روميو واتلف ف مدار  
شاف نجوم الظهر صابحة  
طير مشاكس..  
نور معاكس للغرام  
يرمي حو اليه الشباك

زي كبريت جنب ناره واخذ فراره

لف ف سباق التراك

شهر يار من يأسه نام

والحسوم (١) بتزوم بقوة

خرجت من كيدها حوا

شارب التوهة ف كاسات

والشهيد من عشق فات

بس أنا ليه ما اكنفتيت؟!!

من أهات شوقه اترويت

وبأديه

لأجل ما يفارق عنيه

روح تشابي وتداديه

قائدة ثورة روح عرابي

وبجلالها بطوقها جيت  
كاني خطيت فوق صراطه  
وبالحنين يمّن كتابي  
و الحروف للعشق ساجدة  
وع السطور باين جوابي  
بالشموع ف القلب قايدة  
م العيون شاهدة برحابي  
تعترف من غير مناهدة  
مهما طال ف البال غيابه  
ولا رد الصبر بابه  
إن روعي ليه مهاودة  
حتى عشقه فيا مذهب  
بس من غير أي ردة  
وملة ردة لكون صوابه.

الحسوم: النوة الشديد

## بركة يا جامع

مش هر ضى اكون رسمة باترون

تؤمرني جنابك ..

كن ف يكون

او سطر ف شعرك مش موزون

افتح مندل

واقرا الطالع

و دا مهما يكون..

مش هقبل تطوي ميزان ميلي

أو عتمة ف ضي يزور ليلى

دي قيامتك بتزود كيلى

و تقيد ف رمادك لو والع

ف قلبك مسجون  
وتهون لو عندك مر و ساق  
بنظرة لوم و حروفها فراق  
تحصد برياحك عود و اوراق  
تلحق في النازل و الطالع  
جن و مسكون  
مانت المسئول  
مانا كنت معاك صورة في برواز  
بتجسد أحلام مغرورة  
و تضيّع كل ماليها عزاز  
و تمحي لى الذكرى المحفورة  
دلوقتي معادشي قلوب تنداس  
ولا حتى إيدين تاني بتتباس

الغلطة اتحسبت بالفورة  
والله ف العون ،  
قلبي المعجون..  
ب الحيرة اللي ماليها منازع  
كان نفسه تصون  
والمح سبتي  
لحدك عربون  
رحمة موسى مش كيد فرعون  
ومقولش ف يوم ..  
بركة يا جامع.

## مشاعر بكر

يا رتنا أحباب!!

هتشوفني عيونه جمال بيسر

دي النظرة مني حنين طبطاب

تطرح ف القلب مشاعر بكر

و يدوب في عبرها حتي ان غاب

يار تنا احباب!!

كان تاه من لمسة وعقله أصم

يلقاني داوه فيزول الهم

والخطوة بتعشق نور الاعتاب

يا ريتنا احباب!!

هبقاله الزاد والزوادة



و عيوني الفرحة المتقادة  
وكالعادة ..

تروح له بشوق غلاب  
و يخطي بلاد ويولي الشطر  
يحلف بهوانا بكل كتاب  
ف يقيم السنه وشفع ووتر  
ويحصني بقلبه حجاب  
دا يارتنا احباب !!

## تصدق ...

تصدق حبي ليك مشاوير  
لقصة تتوه في تفاصيلها  
وشهقة لشرقة كات او كسير  
للغز وسره صان بيرها  
وفصص قلبي ميت حنة  
يابختي السنة على ستة  
و رؤية عشق تأويلها ..  
ولا الأساطير  
تصدق حبي ليك مشاوير !!!

## حروف الجر

مخنائش اد الشوق ف سلامه  
بيلامس السما ترتيله  
بكفوفه المعجونة بخمر  
ولا ورده الفارش أحلامه  
من رهن أشاره بيهدي له..  
قلبي ويلبي له الأمر  
وتمر الايام تناديله  
قديسة ملازمة محرابي  
تفسير الحلم وتقويله  
بيدوّب الروح ف ترابي  
تأذن للعشق البكر

ما انا ذكر ملازم أعتابه  
يترجى ذهابه وايابه  
و إمامه ف السنه و وتر  
و إتاري الافراح سيباله  
حيرتي في الدنيا دي منابه  
بتسايس قلبي بأحكامه  
وترسيه في بحوري لبر  
ده ميقاتي اتولى إحرامه  
من قلبه اللي اتسلسل حر  
وان كان عن نفسي  
انا رجماله..  
شيطان الحساد والشر  
ف اترحل جملي وجماله

بالصبر اللّٰي منوّل جبر  
و أقرّ و ختّم إبهامه  
بالعاشق وف مسك ختامه  
من ألفي لحروف الجر .

## حيرة ...

بشوفتي يعلى تنهيده  
ولا قادر يقول يافراق  
بتفتح للهوى كيده  
دا شوقه من الألف للياء  
وساق العشق في لهيبه  
توديه توهة وتجييه  
لحيرة يا خلق ماتنطاق  
و انا قلبي ما رق ولان  
ومكتوب له ف كل آدان  
و بادعي الله كمان زيده  
ده هوه منايا ويسيده  
و دوايا معاه  
كمان  
والداء .

## الظاهر المحبوب

هلت نسايم مولده  
كالبدر ف تمامه  
ولا حد يشابة طلته  
داعيونى خدامه  
احترت إزاي اوصفه  
وحروفي ما توفي  
وتقوم تعد النور  
يملا الخلا والدور  
والعمر ما يكفي  
ماشية ف طريقه وسكته  
ولا يوم تحيد عن سنّته

دا انا قلمي باننت فرحته  
والطاعة ليك تحضر  
وبتزف مراسيلي  
والقلب حسيت رعشته  
يا طه واتخضّر  
لملم كفوف جيلي  
والدمع في عينيا سجد  
واتوضى من طهره  
يطرح حنين رحال  
يعزف صداه ازجال  
والعشق كان مَهْره  
سبحانه من خلاه..  
أعز مايجيني  
رب العباد وبجاه

صلى عليه فى علاه  
ملايكة ،  
انس ،  
وجان  
وسلام بيحيني  
دا القلب من عشقه اصطفى  
من مسكه فاح التوب  
وف حضرة المصطفى  
شفاعته تمحي ذنوب  
واللي هداه ف سكته  
ما تلقى شمسه غروب  
ترسم خطاه دهشته  
إعجاز ورا إعجاز

وينعم بخير صحبته  
ويحلي ف المكتوب  
صلوا عليه وسلموا  
الظاهر المحبوب.

## رمضان كريم

هلت بشاير فرحته  
وبشوق كما العادة  
والكل يسبق خطوته  
تقوى مع عبادة  
رمضان كريم و بلمته  
يبدر بخيره سكته  
وربك يزيد في محبته  
ويجعلها بزيادة.

## يقين بالله

صباح النور و عطره حياه  
ع العايش كما طيره  
بكف الصبر يحلي دواه  
ويمحي الغل من سيره  
مدام دنياه ..  
يقين بالله  
يعيشها بفضله  
وبخيره.

## المحتويات

٣	الإهداء .....
٤	كيوبيد .....
٨	خاتم سليمان .....
١٢	طراتيف العشق .....
١٥	جدر التوت .....
١٩	حروف الذات .....
٢٠	اقسم بالله .....
٢٤	تؤام روعي .....
٢٧	المشطة .....
٣١	ساهي و دحلاب .....
٣٤	ملهوفة .....

- ٣٥ ..... عرافة
- ٣٩ ..... دقة زار
- ٤١ ..... أفاعي الغدر
- ٤٣ ..... افاعي الغدر ٢
- ٤٦ ..... قبلة العشاق
- ٥٠ ..... شوك الأعراب
- ٥٢ ..... لسه يادوب
- ٥٥ ..... ابن موت
- ٥٧ ..... شيخ الطريقة
- ٥٨ ..... دق طبول
- ٦١ ..... طير مشاكس
- ٦٥ ..... بركة يا جامع
- ٦٨ ..... مشاعر بكر
- ٧٠ ..... تصدق

﴿ ٥ ﴾ —————  خاتم سليمان ... ————— ﴿ ٥ ﴾

٧١ ..... حروف الجر

٧٤ ..... حيرة

٧٥ ..... الطاهر المحبوب

٧٩ ..... رمضان كريم

٨٠ ..... يقين بالله



دار

البديع العربي

للطباعة والنشر

ت / 01061635162

01557535590

بحبك سبعة لغروزي .... وليال عشر  
دا طهر وبات ف سري رقات  
وبتهجاله آيات تتلى ف كل كتاب  
كأنك فص عشق وداب ..... وليك بالذات  
يفور الحبر ويترجم ..... حروف الذات  
يا كسوه لكعبة قلبي البكر  
وخيمة مسك مفروده ..... ب نور عرفات ..



البديع العربي  
01061635162  
01557535590

تصميم منى شومان